

SCRIPT OF MORNING GOJRI NEWS BULLETIN 17APRIL 2025 1015HRS

ما رنینگ گو جری نیوز بلیٹن مورخہ 17 اپریل 2025

یوہ آکا شوانی جموں ہے محبوب سلطانی تیں خبر سنو۔

CM MISSION YUVA

وزیر اعلیٰ عمر عبداللہ نے پچھلے تہارے اک میٹنگ کی صدارت کرگے مشن یووا یعنی یووا ادیامی وکاس ابھاین کی پیشگی تیاریاں گو جائیزو لیو مشن پوا اک انقلابی قدم ہے جس گو مقصد نوجوانان نانہ روزگار ہزگو ترقی تے جامع اقتصادی شراکت داری گے زیرے باختیار بنانو ہے وزیر اعلیٰ عمر عبداللہ نے محنت کش تے روزگار محکمہ کی طرفوں بنایدی کھراں گا سروے جیسا انقلابی کم کی سراہنا کی اس دوران محنت کش نے روزگار محکمہ گا سیکرٹری کمار اراجیو انجن نے سروے کی تفصیلی رپوٹ پیش کیجس مانہ ۶ بنیادی پیلر ثقافت سرمایہ صلاحیت تے رابطہ نانہ اُجاگر کیوگیوتھو انہاں ے کہیو جے اس سروے نانہ کاروباری ثقافت نانہ فروغ دین تے اک مدد آلو نظام بنان واسطے تیار کیو گیو ہے جس گو مقصد ۸۱ توں ۹۴ براں کی عمر گا افراد نانہ کہت توں کہت ۱ لکھ ۷۳ ہزار نوا کاروبار قائم کرن گے قابل بنانوں بت جس سنگ آن آلا ۵ براں اندر تقریباً ۴ عشاریہ ۵۲ لکھ روزگار گا موقع پیدا ویں گا۔

CM OMAR ABDULLAH

وزیر اعلیٰ عمر عبداللہ نے پچھلے تہارے سول سیکرٹریٹ مانہ مجموعی کھیتی باڑی ترقیاتی پروگرام ایچ اے ڈی پی گا نفاذ گو اک میٹنگ منعقد کرگے جائیزو لیو اس دوران وزیر اعلیٰ نے مجموعی کھیتی باڑی ترقیات پروگرام گا نظریہ نانہ بیان کرتا مانہ کیو جے یوہ پروگرام صرف اک پالیسی نہیں بلکہ کسانان نانہ باختیار بنان زرعی شعبہ نانہ جدید بنان تے ۲ ہزار ۰۳ توڑی جموں کشمیر واسطے اک پائیدار ۱ لکھ کروڑ روپیہ کی زرعی معشیت قائم کرن غی اک تحریک ہے۔ انہاں نے اپنی حکومت گیطرفوں ہر ممکنہ مدد نانہ دہراتا مانہ کیو جے ایچ اے ڈی پی گے تحت ہر سکیم ہر پلیٹفارم تے براک روپیو براہ راست کسانان نانہ فائدو پُجان واسطے وقف ہے جناب عمر عبداللہ نے کہیو جے مہاری حکومت اس ترقی گا سفر مانہ اپنا کاشتکاران گینال نال چلتی رے گی۔ اک میٹنگ مانہ اس اندر ٹانچہ کی دقت تے خاص طور کٹ پیداوار تے آمدنی گا پرانان مسئلہ سنگ نمڑن واسطے حکمت عملی ور گور کیو گیو۔

WEATHER J&K

جموں کشمیر مانہ ۰۰۱ کلو میٹر فی گھنٹہ گا ارفتار سنگ چلی تیز ہوا بارش ناس تے جموں خطہ مانہ پچھلی شام مَمول گا کم کاج مانہ رُکاوٹ پائی ہے مہارا آکشوانی جموں گا نمائندہ غے مطابق کھکڑگی وجہ توں کئی بوٹاں بجلی گا کھنبہ تے تاور جٹر پرت ہویا ہیں جس کی وجہ توں جموں دویزن گا تمام ۰۱ ضلعان اندر بجلی غی سہولت تے جموں شہر تے دیگر شاہراں ور گڈیاں کی آؤ جائی متاثر ہوئی ہے جموں شہر گا کُجھ حصاں مانہ بوٹا تے بجلی گا کھمبہ ٹین کی وجہ توں کُجھ سڑک بند ہوگئی ہیں۔ جدکہ سول سیکرٹریٹ جموں مانہ اک کندر ڈھین کی وجہ توں کُجھ گڈیاں نانہ نقصان پُجیو ہے تے اس دوران کسی جانی نقصان یا زخمی ہون کی کوئی وی جانکاری نہیں لبی ہے۔ تیز رفتار چکھڑگیو جی توں جموں اکھنور آریس

پورہ تلاب تلو تے جموں نگر وٹہ سڑک ور گڈیاں گی آؤ جائی وی ہوئی جدکہ جموں سانہہ کٹھوعہ تے جموں کترہ ریاسی سڑک ور لمبو ٹریفک جان بارے جناکری لہی ہے۔ محکمہ موسمایت غے مطابق ۸۱ اپریل توں اُچا علاقوں ور برف باری تے ۸۱، ۹۱ اپریل گے دوران کُجھ علاقوں مانہہ بجلی کڑکن گے نال درمیانہ توں خاصہ درجہ گی بارش ہوسکے۔

SUPREME COURT WAQF ACT

عدالت عظمیٰ نے پچھلے تہاڑے وقف ترمیمی قانون ۲ ہزار ۵۲ ور اپنو عبوری حکم مرکز گی طرفوں ترا ججاں ور مشتمل بینچ گی طرفوں چایا گیا ترا سوال گا جواب واسطے مزید وقت دین گی گزارش توں بعد روک دتو ہے عدالت عظمیٰ گا اعلیٰ جج جسٹس سنجیو کھنہ تے جسٹس پی وی سنجے کمار تے جسٹس کے وی وشواناتھن ور مشتمل ترارکنی عظمیٰ مانہہ چایا گیا اعتراض گی اک مجموعی سنوائی کی اس سلسلہ مانہہ عدالت نے کہی وجے اُس گی طرفوں اک حکم دتو جے غو جس مانہہ وقف بورڈ تے مرکزی وقف کونسل مانہہ تمام ممبر مسلمان ہونا چاہیے بارے دسیو جے گو جدکہ عہدہ گے تحاظ سنگ ممبر غیر مسلم ہوسکے۔ واضع رے جے اس معاملہ نانہہ اج ترا ججاں گی بینچ گے سامنے ۲ بجے توں بعد پیش کیو جے گو۔ چیف جسٹس سنجیو کھنہ نے اس سنوائی گا اکر مانہہ بنگال مانہہ وقف قانون مانہہ ترمیم گے خلاف تشدد ور تشویش گو اظہار کیو۔

SHRI AMARNATH YATRA

امرناٹھ یاترا واسطے منگلار توں شروع ہوئی یاتریاں واسطے اندراج گو عمل جاری ہے دو تہاڑاں اندر ادھمپور توں اندراج کران آلا گی تعداد ۱ سو ۱۶ ہوگئی جن مانہہ ۹۲ خواتین وی شامل ہیں اس سلسلہ مانہہ لہی جناکری ادھمپور مانہہ جموں کشمیر بنک غی مرکزی برانچ اندر قائم اندراج آلا کاونٹر ور کُل ۳۹ افراد نے اندراج کرایو ہے جن مانہہ ۲۲ خواتین شامل ہیں۔ جن وچوں ۵۲ نے پہلگام تے جدکہ باقیوں نے بالٹال آلا رستہ توں اپنو سفر پورو کریں گا۔ تمام یاتریاں نانہہ شرانن بورڈ گی طرفوں جاری کردہ رہنما خطوط ور عمل کرن گی ہدایت دتی گئی ہے۔

CHIEF SECRETARY

چیف سیکرٹری اٹل ڈلو نے پچھلے تہاڑے متبادل شکر کاری فنڈ گا انتظام تے منصوبہ بندی گی اتھارٹی گی ۵۲ وین نگران کمیٹی گی میٹنگ سنگ خطاب کرتا مانہہ مرعلقہ محکمہ نانہہ ہدایت دتی جے وے مقررہ ہدف نابہ مٹھی وی مم اندر پورو کرن واسطے پوری لگن سنگ کم کرے۔ اس دوران چیف سیکرٹری نے پچھلے سال غے دوران بوٹا لان گی کوششاں تے حاصل کیا گیا ہدف گو جائیزو لیو اُنہاں نے افسران مانہہ ہدایت جاری کرتا مانہہ کیو جے وے جموں کشمیر گا تمام جنگلات گے آسے پاسے پیلر بنان گا عمل نانہہ پورو کرے تانجے ان گیحفاظت نانہہ یقینی بنایو جاسکے۔ جناب ڈولو نے مزید کہیو جے تباہ ہویا واں جنگلاتی علاقہ گی نشاندہی کرغے جدید ٹیکنالوجی اپنائی جے تانجے ترجیحی بنیاد ور کم کیو جاسکے۔
